



Temeljem članka 55. stavak 2. Zakona o geološkim istraživanjima Federacije Bosne i Hercegovine („Službene novine Federacije Bosne i Hercegovine“, br. 9/10 i 14/10), federalni ministar energije, rudarstva i industrije d o n o s i:

## PRAVILNIK O PROGRAMU I NAČINU POLAGANJA STRUČNOG ISPITA UPOSLENIKA GEOLOŠKE STRUKE

### I OPĆE ODREDBE

#### Članak 1.

- (1) Ovim pravilnikom propisuje se način i program polaganja stručnog ispita uposlenika geološke struke za samostalno obavljanje poslova za koje je Zakonom o geološkim istraživanjima Federacije Bosne i Hercegovine (u daljnjem tekstu: Zakon) propisano obvezno polaganje stručnog ispita.

#### Članak 2.

- (2) Stručni ispit (u daljnjem tekstu: ispit) polaže uposlenik geološke struke radi stjecanja uvjeta, odnosno provjere stručne osposobljenosti za samostalno obavljanje poslova, zadataka i rukovođenja: geološkim istraživanjima; izradom projektne, tehničke i druge dokumentacije; istraživačkim timom; geološkom službom; nadzorom nad izvođenjem geoloških istražnih radova; vršenja tehničke kontrole, revizije programa, projekata i elaborata geoloških istraživanja.

#### Članak 3.

- (1) Pravo na polaganje ispita, sukladno odredbama Zakona i ovog Pravilnika ima osoba sa visokom stručnom spremom i višom stručnom spremom, odnosno završen stupanj prvog ciklusa (dodiplomskog studija), drugog i trećeg ciklusa univerzitetskog studija kao i srednju stručnu spremu geološke struke.

#### Članak 4.

- (1) Ispit se sastoji iz pismenog i usmenog dijela.
- (2) Pismeni dio ispita sastoji se od izrade pismenog rada.
- (3) Usmeni dio ispita sastoji se iz posebnog i općeg dijela.

#### Članak 5.

- (1) Posebni dio usmenog dijela ispita obuhvata obranu pismenog rada pri čemu kandidat treba da pokaže praktično iskustvo, teorijsko znanje, poznavanje tehničkih propisa i standarda korištenih pri izradi pismenog rada.

- (2) Opći dio usmenog dijela ispita dijeli se na stručni dio i dio koji obuhvata provjeru poznavanja propisa iz članka 31. alineja b. ovog Pravilnika.

#### Članak 6.

Gramatička terminologija korištenja muškog roda u ovom Pravilniku podrazumijeva ravnopravno uključivanje oba roda.

## II PRIJAVA ZA POLAGANJE ISPITA

#### Članak 7.

- (1) Prijava za polaganje ispita podnosi se Federalnom ministarstvu energije, rudarstva i industrije (u daljnjem tekstu: Ministarstvo).
- (2) Prijava za polaganje ispita sadrži podatke navedene u Obrascu broj 1. koji je sastavni dio ovog Pravilnika.
- (3) Uz zahtjev za polaganje ispita prilaže se:
  - a) Ovjerena kopija diplome, odnosno svjedočanstva o završenoj školskoj spremi;
  - b) Potvrda poslodavca kojom se dokazuje da kandidat posjeduje najmanje godinu dana radnog iskustva u struci na poslovima geoloških istraživanja, odnosno vrijeme provedeno u obavljanju pripravničkog staža. U potvrdi se obvezno navode osnovni podaci i zadaci koje je kandidat obavljao do podnošenja zahtjeva za polaganje ispita;
  - c) Prijedlog od tri teme za izradu pismenog rada. Pod rednim brojem 1. navodi se tema koja je prioritetna za potrebe i interese gospodarskog društva.

#### Članak 8.

- (1) Temeljem prijave za polaganje ispita i dostavljenih dokaza Ministarstvo donosi rješenje o odobravanju polaganja ispita.
- (2) Rješenjem o odobravanju polaganja ispita utvrđuje se: tema i rok izrade pismenog dijela ispita; određuje se mentor / ispitivač; rok polaganja ispita; troškovi polaganja ispita, način i rok plaćanja.

#### Članak 9.

- (1) Visinu naknade za polaganje ispita utvrđuje ministar energije, rudarstva i industrije (u daljnjem tekstu: federalni ministar) posebnim rješenjem.

#### Članak 10.

- (1) Ispit se polaže u redovnim ispitnim rokovima: veljača, travanj, lipanj, rujan i studeni.
- (2) U slučaju potrebe može se odrediti i vanredni ispitni rok, o čemu odlučuje Ministarstvo na prijedlog Povjerenstva za polaganje ispita (u daljnjem tekstu: Povjerenstvo).
- (3) O terminu polaganja ispita kandidat se obavještava pismeno.

## III POVJERENSTVO ZA POLAGANJE ISPITA

#### Članak 11.

- (1) Ispit se polaže pred Povjerenstvom.
- (2) Povjerenstvo se sastoji od predsjednika, četiri člana i tajnika Povjerenstva.

(3) Povjerenstvo imenuje federalni ministar na period od dvije godine.

#### Članak 12.

- (1) Predsjednik i tri člana Povjerenstva imenuju se iz reda diplomiranih inženjera geologije sa radnim iskustvom u struci najmanje deset godina i položenim stručnim ispitom.
- (2) Jedan član Povjerenstva imenuje se iz reda diplomiranih pravnika sa radnim iskustvom najmanje deset godina.
- (3) Tajnik Povjerenstva imenuje se iz Ministarstva sa najmanje deset godina radnog iskustva na administrativnim poslovima u Ministarstvu.
- (4) Članovi Povjerenstva iz stavka 1. ovog člana imenuju se iz Ministarstva, županijskog ministarstva nadležnog za geologiju, federalnog geološkog inspektora i stručno lice geološke struke iz gospodarskog društva/javne ustanove.

#### Članak 13.

Predsjedniku, članovima Povjerenstva i tajniku pripada naknada za rad čiju visinu rješenjem utvrđuje federalni ministar.

#### Članak 14.

Administrativno tehnički poslovi za potrebe Povjerenstva obavlja tajnik Povjerenstva i poslovi se obavljaju u Ministarstvu.

### IV POLAGANJE ISPITA

#### Članak 15.

- (1) Kandidat pristupa ispitu preuzimanjem Rješenja o odobravanju polaganja ispita iz članka 8. ovog Pravilnika.
- (2) Izrada pismenog rada traje najduže 30 dana.
- (3) Na zahtjev kandidata iz opravdanih razloga rok za dostavljanje pismenog rada može se produžiti, s tim da se pismeni rad mora dostaviti najkasnije 15 dana prije polaganja ispita.

#### Članak 16.

- (1) Pismeni rad obuhvata izradu pismenog-stručnog rada iz oblasti geoloških istraživanja.
- (2) Kandidat sa srednjom stručnom spremom radi pismeni rad koji obuhvata jednostavnija geološka istraživanja i izradu odgovarajuće geološke dokumentacije.

#### Članak 17.

- (1) Temu pismenog rada utvrđuje Povjerenstvo na prijedlog člana Povjerenstva koji je određen kao mentor / ispitivač.
- (2) Pri određivanju teme i ocjene izrađenog pismenog rada vodi se računa da isti ima praktičnu primjenu pri geološkim istraživanjima.

#### Članak 18.

- (1) Pismeni rad predaje se na adresu Ministarstva u dva uvezana primjerka.
- (2) Temeljem pismenog izvješća i prijedloga ispitivača/mentora, Povjerenstvo ocjenjuje uspjeh kandidata iz pismenog rada.

- (3) Pismeni rad se ocjenjuje sa ocjenama „zadovoljava“ ili „ne zadovoljava“.
- (4) Ako se pismeni rad ocijeni ocjenom „zadovoljava“, kandidat može pristupiti usmenom dijelu ispita.
- (5) Ako se pismeni rad ocijeni ocjenom „ne zadovoljava“, smatra se da kandidat nije položio ispit, o čemu se pismeno obavještava.

#### Članak 19.

- (1) Usmeni, odnosno posebni dio ispita započinje upoznavanjem kandidata sa izvješćem mentora o stručnoj izradi pismenog rada.
- (2) Obrana pismenog rada obuhvata provjeru stečenog iskustva, teorijskog znanja i poznavanje tehničkih propisa, normativa i standarda korištenih pri izradi pismenog rada propisano člankom 31. alineja a. Pravilnika.
- (3) O toku polaganja ispita vodi se zapisnik na Obrascu 2. koji je sastavni dio ovog Pravilnika.

#### Članak 20.

- (1) Kandidat koji ne odbrani pismeni rad smatra se da nije položio ispit i neće pristupiti daljnjem toku ispita.
- (2) Kandidat iz stavka 1. ovog članka može pristupiti ponovnom polaganju ispita u narednom ispitnom roku.

#### Članak 21.

- (1) Opći dio ispita kandidat polaže usmeno tako što odgovara na četiri pitanja iz oblasti stručnog dijela i 2 pitanja iz dijela provjere poznavanja propisa po programu propisanom člankom 31. alineja b. Pravilnika.
- (2) Opći dio ispita započinje izvlačenjem pitanja sa ispitnih kartica za svaki pojedini dio.

#### Članak 22.

- (1) Konačan uspjeh kandidata ocjenjuje se opisnom ocjenom „položio“ ili „nije položio“ prema pokazanom znanju na pismenom i usmenom dijelu ispita.
- (2) Na prijedlog predsjednika Povjerenstva odluka o ocjeni uspjeha kandidata na ispitu donosi se većinom glasova ostala četiri člana Povjerenstva, s tim da ocjenu limitira ocjena pismenog rada - posebnog dijela ispita i stručnog dijela iz oblasti geologije.
- (3) Ukoliko je kandidat iz posebnog dijela ispita ocijenjen ocjenom „zadovoljava“ a iz općeg dijela „ne zadovoljava“, ponovni ispit obuhvata samo dio ispita iz kojeg je kandidat dobio ocjenu „ne zadovoljava“.

#### Članak 23.

- (1) Ako kandidat iz općeg dijela ispita ne pokaže zadovoljavajući uspjeh, ima pravo polagati popravni ispit u roku koji mu odredi Povjerenstvo.
- (2) Ako kandidat u određenom roku ne izađe na ispit ili ne pokaže zadovoljavajući uspjeh, smatraće se da ispit nije položio.

#### Članak 24.

- (1) Kandidat koji nije položio ispit može pristupiti ponovnom polaganju ispita u narednom ispitnom roku.
- (2) Ponovni ispit obuhvata radnje kao da kandidat prvi put polaže ispit.

(3) Ispit se može polagati najviše tri puta.

#### Članak 25.

- (1) Ako kandidat ne pristupi ispitu iz opravdanih razloga ili prije početka odustane od polaganja stručnog ispita, ispit može polagati u sljedećem ispitnom roku.
- (2) U slučaju iz prethodnog stavka kandidat je dužan obnoviti zahtjev za polaganje ispita.

#### Članak 26.

- (1) Izuzetno, započeti ispit se može odgoditi zbog bolesti ili iz drugog opravdanog razloga, o čemu odlučuje Povjerenstvo.
- (2) Odgođeni ispit može se nastaviti u narednom ispitnom roku.
- (3) U nastavku ispita kandidat ne polaže dio ispita koji je položio prije odlaganja ispita.
- (4) Ako kandidat ne pristupi polaganju odloženog ispita u zakazanom roku, smatraće se da ispit nije položio.

#### Članak 27.

- (1) Nakon završetka polaganja ispita predsjednik Povjerenstva saopćava kandidatu rezultate.
- (2) Kandidatu koji je položio ispit Ministarstvo izdaje uvjerenje o položenom stručnom ispitu na Obrascu 3. koji je sastavni dio ovog Pravilnika u roku od 5 dana od dana polaganja ispita.
- (3) Uvjerenje o položenom ispitu potpisuje federalni ministar.

#### Članak 28.

- (1) Registar izdatih uvjerenja o položenim stručnim ispitima za uposlenike geološke struke vodi se u Ministarstvu.
- (2) Evidenciju o polaganju stručnih ispita vodi tajnik Povjerenstva.
- (3) Registar iz stavka 1. ovog članka vodi se na Obrascu 4. koji je sastavni dio ovog Pravilnika.

#### Članak 29.

- (1) Troškove polaganja ispita kao i troškove polaganja popravnog ispita snosi kandidat ili gospodarsko društvo/javna ustanova u kojem je kandidat zaposlen.

### V PROGRAM STRUČNOG ISPITA

#### Članak 30.

- (1) Program pismenog dijela ispita obuhvata zadatak pismenog rada i pismeni rad.
  - a) Zadatak pismenog rada  
Zadatak za pismeni rad treba da bude definiran na način da omogući kandidatu da pokaže sposobnost samostalnog rada u kojem je utemeljeno stečeno praktično iskustvo, teorijsko znanje, poznavanje zakona, pravilnika, normativa i standarda kao i najnovija tehnička i naučna dostignuća iz oblasti geoloških istraživanja koja su obrađena pismenim radom.

## b) Pismeni rad

Na osnovu stupnja školske spreme i vrste poslova koje kandidat obavlja kao i zahtjeva kandidata Povjerenstvo utvrđuje vrstu i nivo pismenog rada.

Mentor koji je i ispitivač će odrediti vrstu i obim grafičke dokumentacije kao i obim tekstualnog dijela pismenog rada.

Pismeni rad se predaje u najmanje dva primjerka sa grafičkim priložima i tekstualnim dijelom.

### Članak 31.

#### (1) Program usmenog ispita obuhvata posebni dio i opći dio.

##### a) Posebni dio ispita

Posebni dio ispita predstavlja obranu pismenog rada.

Kod obrane pismenog rada Povjerenstvo provjerava sposobnost kandidata da u rješavanju konkretnih slučajeva primjenjuje teorijsko znanje, stečeno praktično iskustvo, važeće propise, standarde i normative iz oblasti geoloških istraživanja.

U obrani pismenog rada kandidat je dužan da pokaže znanje iz oblasti koja je uređena materijalnim zakonom i propisima u okviru geoloških istraživanja.

##### b) Opći dio ispita

Opći dio ispita obuhvata stručni dio i provjeru poznavanja propisa.

##### Stručni dio ispita

Program stručnog dijela ispita obuhvata:

- Zakon o geološkim istraživanjima Federacije Bosne i Hercegovine
- Zakon o jedinstvenom načinu utvrđivanja, evidentiranja i prikupljanja podataka o rezervama mineralnih sirovina i podzemnih voda i o bilanci tih rezervi
- Pravilnik o načinu prikupljanja, evidentiranja, obrade, korištenja i razmjene podataka za geološku bazu podataka, formiranje fonda stručne dokumentacije o geološkim istraživanjima i organizacije geoinformacijskog sistema
- Pravilnik o klasifikaciji, kategorizaciji i proračunu rezervi čvrstih mineralnih sirovina i vođenju evidencije o njima
- Pravilnik o sadržini, načinu izrade elaborata o izvršenim geološkim istraživanjima i postupku vršenja revizije elaborate
- Pravilnik o načinu i uvjetima dodjele odobrenja za vršenje geoloških istraživanja od interesa za Federaciju Bosne i Hercegovine
- Pravilnik o načinu vođenja evidencije i izrade katastra ležišta mineralnih sirovina, geoloških pojava i odobrenih istražnih prostora
- Pravilnik o klasifikaciji, kategorizaciji i proračunu rezervi podzemnih voda i vođenju evidencije o njima
- Pravilnik o sadržini, načinu izrade i reviziji programa i projekta geoloških istraživanja i načinu izrade izvještaja o izvršenim geološkim istraživanjima

- Pravilnik o programu i načinu polaganja stručnog ispita uposlenika geološke struke
- Zakon o rudarstvu Federacije Bosne i Hercegovine
- Zakon o zaštiti na radu

Poznavanje propisa

Provjera poznavanja propisa obuhvata:

- Ustav Bosne i Hercegovine
- Ustav Federacije Bosne i Hercegovine sa amandmanima od I do CIX
- Zakon o upravnom postupku
- Zakon o radu

## VI PRIJELAZNE I ZAVRŠNE ODREDBE

### Članak 32.

- (1) Osoba koja je položila stručni ispit predviđen za niži stupanj školske spreme a naknadno završi viši stupanj školske spreme, polaže samo posebni dio stručnog ispita predviđen za taj stupanj školske spreme.
- (2) Osoba koja je položila i dostavila ovjerenu kopiju uvjerenja o položenom stručnom upravnom ispitu po Programu stručnog upravnog ispita za vježbenike i službenike u organima uprave i službama za upravu u Federaciji BiH, odnosno ispitu općeg znanja po Programu stručnog upravnog ispita za državne službenike u organima državne službe u Federaciji BiH oslobađa se polaganja općeg dijela ispita koji se odnosi na provjeru poznavanja propisa.

### Članak 33.

Danom stupanja na snagu ovog Pravilnika prestaje da važi Pravilnik o načinu i programu polaganja stručnog ispita radnika geološke struke („Službeni list R BiH“, broj 16/93).

### Članak 34.

Ovaj Pravilnik stupa na snagu narednog dana od dana objavljivanja u „Službenim novinama Federacije BiH“.

Broj: 06-34-1287/10  
09. lipanj 2011. godine  
Mostar

Ministar  
Erdal Trhulj

**BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO ENERGIJE,  
RUDARSTVA I INDUSTRIJE  
SEKTOR ZA RUDARSTVO,  
Odsjek za geologiju  
Alekse Šantića bb, 88 000 Mostar**

Broj: \_\_\_\_\_

Datum: \_\_\_\_\_

Mjesto: \_\_\_\_\_

**PREDMET:**

**Z A H T J E V**

za polaganje stručnog ispita za uposlenike geološke struke

**1. PODACI O PODNOSIOCU ZAHTJEVA:**

<p><b>Naziv podnosioca zahtjeva</b> (<i>ako pravna osoba podnosi zahtjev za svoje kadrove - uposlenike</i>) <b>/ Ime i Prezime kandidata/kinje:</b></p>	
<p><b>Sjedište podnosioca zahtjeva</b> (<i>ako pravna osoba podnosi zahtjev za svoje kadrove - uposlenike</i>) <b>/ Adresa kandidata/kinje:</b></p>	
<p><b>Ime i prezime kontakt osobe u pravnom licu</b> (<i>ako pravna osoba podnosi zahtjev za svoje kadrove - uposlenike</i>)</p>	
<p><b>Kontakt (tel./fax. i e-mail) pravne osobe</b> (<i>ako pravna osoba podnosi zahtjev za svoje kadrove - uposlenike</i>) <b>/Kontakt (tel./E mail) kandidata/kinje:</b></p>	



**LISTA DOKUMENATA KOJI SE PRILAŽU UZ ZAHTJEV:**

<input type="checkbox"/> Potvrda o radnom stažu (radnom iskustvu)	- <b>Potvrdu izdaje poslodavac i ista se prilaže uz zahtjev kao <u>original ili ovjerena kopija</u></b> (Temeljem članka 7. stavak 3. točka b. Pravilnika)
<input type="checkbox"/> Diploma	- <b>Diplomu izdaje nadležna obrazovna institucija a uz zahtjev se prilaže <u>u formi ovjerene kopije</u></b>
<input type="checkbox"/> Dokaz o uplati takse – uplatnica	- <b><u>original</u></b>
<input type="checkbox"/> Dokaz o uplati naknade– uplatnica	- <b><u>original</u></b>

Prijedlog tema za izradu pismenog rada (Temeljem članka 7. stavak 3. točka c. Pravilnika)

<b>Tema 1.</b>	
Tema 2.	
Tema 3.	

**Podnosilac zahtjeva:**

\_\_\_\_\_

Datum, \_\_ / \_\_ / 20\_\_ godine.



- \_\_\_\_\_
- \_\_\_\_\_
- \_\_\_\_\_

Poseban dio ispita ocjenjen je ocjenom:  **zadovoljava**  
 **ne zadovoljava**

b) Opći dio ispita

- Iz stručnog dijela ispita postavljena su slijedeća pitanja:

- \_\_\_\_\_
- \_\_\_\_\_
- \_\_\_\_\_
- \_\_\_\_\_

Stručni dio ispita ocjenjen je ocjenom:  **zadovoljava**  
 **ne zadovoljava**

- Iz dijela provjere poznavanja propisa postavljena su slijedeća pitanja:

- \_\_\_\_\_
- \_\_\_\_\_

Iz dijela provjere poznavanja propisa ocjenjen je ocjenom:

**zadovoljava**  
 **ne zadovoljava**

---

Po završenom glasanju stručnog Povjerenstva kandidat je:

**položio stručni ispit**  
 **nije položio stručni ispit**

---

Kandidat se upućuje na ponovno polaganje iz dijela:

1. \_\_\_\_\_
  2. \_\_\_\_\_
  3. \_\_\_\_\_
- 

Stručni ispit završen je u \_\_\_\_\_ sati.

Zapisnik vodio/la

\_\_\_\_\_

Članovi Komisije

1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_

Predsjednik/ica Komisije

\_\_\_\_\_

Obrazac 3.

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO ENERGIJE,  
RUDARSTVA I INDUSTRIJE

Broj:  
Mostar, \_\_\_\_\_ 20\_\_\_\_\_ godine

Federalno ministarstvo energije, rudarstva i industrije na zahtjev \_\_\_\_\_ (ime i adresa kandidata) temeljem članka 54. i 55. Zakona o geološkim istraživanjima Federacije BiH („Službene novine Federacije Bosne i Hercegovine“, broj 9/10 i 14/10) i člana 27. Pravilnika o programu i načinu polaganja stručnog ispita uposlenika/ca geološke struke („Službene novine Federacije BiH“, broj\_\_\_/\_\_\_) izdaje:

### **UVJERENJE O POLOŽENOM STRUČNOM ISPITU**

Potvrđuje se da je kandidat/kinja \_\_\_\_\_ (Ime, ime oca i prezime) \_\_\_\_\_ rođen-a (datum rođenja) \_\_\_\_\_ godine u (mjesto rođenja) \_\_\_\_\_ polagao/la je dana ( datum polaganja) \_\_\_\_\_ stručni ispit za samostalno obavljanje poslova i rukovođenje u oblasti geoloških istraživanja i prema ocjeni Komisije

### **KANDIDAT / KINJA JE POLOŽIO / LA STRUČNI ISPIT**

Zapisnik sa polaganja stručnog ispita sa kompletnom propisanom dokumentacijom i jednim primjerkom ovog uvjerenja, deponovani su u arhivu Vlade Federacije BiH pod gornjim brojem, kao dokumentacija od trajnog značaja.

Ovo uvjerenje izdaje se na osnovu Registra izdatih uvjerenja o položenim stručnim ispitima za uposlenike geološke struke i prema članku 169. stavak 3. Zakona o upravnom postupku ima značaj javne isprave.

Na osnovu Zakona o federalnim upravnim taksama i Tarifni federalnih upravnih taksi („Službene novine Federacije BiH“, broj 6/98), tarifni broj 1. i 23. na ovo uvjerenje naplaćena je administrativna taksa u ukupnom iznosu od \_\_\_ KM, na ime upravnih taksi za podnesak \_\_\_ KM, i za uvjerenje \_\_\_\_\_, na račun javnih prihoda proračuna Federacije BiH.

Ministar/ica

REGISTAR IZDATIH UVJERENJA  
O POLOŽENIM STRUČNIM ISPITIMA ZA UPOSLENIKE/ICE GEOLOŠKE STRUKE

R.br.	Broj protokola	Datum	Ime i prezime	Školska sprema	Datum rođenja	Gospodarsko društvo	Mentor /ica	Polaganje ispita		Popravni		Otprema		Napomena
								Datum	Rezultat	Datum	Rezultat	Datum	Potpis	
1	2	3	4	5	6	7	8	9	10	11	12	13	14	15

